



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Natales Sanctorvm Belgii, & eorundem Chronica  
Recapitvatio**

**Molanus, Johannes**

**Dvaci, 1616**

Vigesima nona Decembris.

**urn:nbn:de:hbz:466:1-9477**

cuntur ecclesiæ, crudelissimè destruxerunt anno octingentesimo quinquagesimo sexto: deinde urbem Traiectensem. Vnde Hungerus cum patris Canonicis anxie diffugit, & ad præsentiam Lo-

*Ex Charta  
Lotharii.*

tharij regis in Prumiensi monasterio se recepit. Vbi cum Gunthario sacri palatiij summo Co-pellano Regiæ Clementiæ retulit ecclesiam suam barbarica nequitia ad nihilum redactam esse, Canonicis quibusdam interemptis, alijs dispersis, quibus infra regnum eius quietum locum tribui deprecabatur. Sua autem celsitudo in remedium animæ aui, & genitoris quondam Augustorum, nec non genitricis Heringardæ, seu pro salute sua regnique stabilitate in pago Mafo super flumen Rure monasterium in honorem sancti Petri constructum, quod Berg nuncupatur, præfatæ Sedi Traiectensi sub omni integritate per omnia tempora tradidit, quatenus præsignatos seruos pro eius & prædecessorum salute libentius exorare delebet.

### Vigesima nona Decembris.

#### *De sancto Hilduardo episcopo.*

*Ex officio Collegiatæ ecclesiæ Teneramondensis, quod ad memisit, dominus Pastor Iacobus de Mera.*

**I**N ciuitate Teneramonda, natalis B. HILDWARDI episcopi & confessoris. Qui à Bettino Tullensi episcopo regeneratus & educatus, eidem à latronibus interfecto in episcopali onere successit. Urgebat enim & cælesti visione, & ciuium ac Dagoberti postulatione. Superuenit autem Comes quidam, qui filium suum intrudere voluit: vnde sanctus Halduardus anni-

Ium Dagobetto remisit; sed Comes ex diuinā  
punitione didicit beatissimum Hilduardum esse  
reassumendum. Iuit autem sanctus præsul cum  
Brino & Bittino Romam, ubi talem à beato Pe-  
tro apparitionem accepit, ut se reliquo episcopatu  
Steinburnam in Flandriam contulerit, quæ  
recentiori vocabulo Dickeluenna dicitur. Vbi  
primùm Deo lucratus est familiam viduæ apud  
quam hospitabatur, quam paulo post dux Magri-  
ptius, contra Christianam religionem feroiens,  
gladio feriri iussit; beatum autem Hilduardum  
virgis cædi, alijsque tormentis affligi. Cùm au-  
tem contra beatum virum grauiora meditabatur,  
tandem captus est per Euangelicum rete, & san-  
cto Petro Apostolo ecclesiam ædificauit, in qua  
sub Hildardo, non tantum Christianam, sed  
monasticam professus est religionem. Memora-  
tus autem præsul, post multam fidei prædicatio-  
nem gloriolo fine quieuit \* in *Dickeluenne*, vbi ad  
tumulum discipuli eius Brinus & Bittinus instan-  
ter orabant dissolui & esse cum Christo. Quo de  
loco viri Tenremondenses veneranda eius ossa,  
omni virtute famata, cum summo iubilo Tenre-  
mondam transtulerunt, die septima Septembris.  
Est autem Tenremonda Imperialis Flandriæ ci-  
uitas sub episcopo Gandauensi, nomen habens à  
Tenera fluio. Dickeluenna autem est pagus agri  
Teneramondensis.

Hoc sancto viro posterior est eiusdem nomi-  
nis Hilduardus episcopus Cameracensis, qui  
anno octingentesimo decimo quarto Nouio-  
mensi interfuit Concilio, cui præfuit Vulfarius  
Rhemensis archiepiscopus.

Die

Anno 750.  
Meierus  
ubi eum  
vide.